

Н. Е. Ворошилов Индонездь

СССР-н Деед Советин Президиумин ахлач К. Е. Ворошилов Индонездь майин 6-д ирэд, орн-нутгар эргдж йовдж олн-ämtнлă таньлдв.

Майин 8-д Джакарта балгъснас, Индонезин сургъуль-эрдмин хотл балгъсн Богор тал К. Е. Ворошилов болн Президент Сукарно хойр нег машинд суугъад йовсинь, 50 километр хаалгъин цуг туршартнь олн улс гарч тосцхав. Богорт ирэд ўр К. Е. Ворошилов Президентин бăăшиньд болн делкăд нернь туурсн ботаническ сад гăăхдж хăлăв.

Ўр К. Е. Ворошилов майин 8-с авн 10 кўртл Чапанас балгъснд бăăв. Эн балгъсна хаджу-ташугъар бăăх крестьян улс тенўгинь сонъсад, ирдж К. Е. Ворошиловиг йōрăцхăв. Эдн тăрăн-темсн, альмар белг авч ирдж ōгцхăв. Эн бăăрн газрин крестьянск ниицăнă ахлач Сануси, района кўч-кōлсчирин цугтань нерн деерăс, К. Е. Ворошилов ирснд икăр байрлджанавдн, мана кўндтă гинч ут наста болтха гидж йōрăгъăд, советск олн âмтнд манас менд келтн гидж сурв. Эднд цугтаднь ўр К. Е. Ворошилов ханлт ōргăд, советск олн âмтнăс теднд менд келв.

Майин 10 ōдр—ўдлă СССР-н Деед Советин Президиумин ахлач ўр К. Е. Ворошилов, Президент Сукарно болн эдниг дахдж йовх улс, Бандунг балгъснур ирцхăв. Хаалгъднь эдниг, К. Е. Ворошиловин болн Сукарно зург советск болн индонезийск дарцгс авцхасн кесг олн зун минъгън улс гарч тосцхав.

Балгъснур эдниг ордж ирсн цагла, ик хур орджав. Тер бийнь уульнцд 600 минъгън кўн гарч, ик байртагъар, машин деернь цецгс хаяд, „Советск Союз менд болтха!“ — гидж шуугдж тосцхав. Губернаторин герин ōор митинг болснд ўр К. Е. Ворошилов болн Президент Сукарно ўг келцхăв.

Майин 11-д ўр К. Е. Ворошилов Джокьякарту балгъснд ирв. Эн балгъсн Индонезин республик гарсн тўрўн джилмўдт хотл балгъснь болджасмн. Революцин тōлă ноолдад âмăн ōгцхăсн улсиг оршасн газрт оч ўр К. Е. Ворошилов венoк тăвб.

Эн ōдр ўр К. Е. Ворошилов Гаджа Мада университетин студентнрлă харгъв. Университетин ректор Сарджито бийинь тосад йōрăснă даруднь, ўр К. Е. Ворошилов ўг келв. Студентнр ўр К. Е. Ворошиловд белг ōгăд, Москва балгъсна студентирт менд кўргдж келтн гидж сурцхав. Ўр К. Е. Ворошилов студентнриг белг ōгснднь йōрăгъăд, тер сурвинь кўцăх болдж ўгăн ōгв.

Ўр К. Е. Ворошилов Суракарта балгъснд ирснднь, олн тўмн кўн цуглрсн митинг болв. Майин 13-д К. Е. Ворошилов болн Сукарно хойр самолетър нисдж, Бали арлд ирдж бууцхав. Энўнăсн эдн Сурабан балгъснур ирв. Дарунь Медап баглгъснд одв.

Майин 17-д Джакарта балгъснд Советск-Индонезийск ни-ниинцнъгъў бăăлгънд нерăдгдсн митингт нег сай шаху кўн цуглрв.